



**PEKELILING PENTADBIRAN
BILANGAN 18 TAHUN 2016**

**PENJENAMAAN DAN PENSTRUKTURAN
SEMULA TERMA RUJUKAN JAWATANKUASA
PENILAIAN PANEL JAHIT PAKAIAN
SERAGAM UNIVERSITI (JPPJPSU) KEPADA
JAWATANKUASA PAKAIAN SERAGAM
UNIVERSITI (JPSU)**

Pejabat Pendaftar
25 Mei 2016

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

PEKELILING PENTADBIRAN BIL. 18/2016

**PENJENAMAAN DAN PENSTRUKTURAN SEMULA TERMA RUJUKAN
JAWATANKUASA PENILAIAN PANEL JAHIT PAKAIAN SERAGAM UNIVERSITI
(JPPJPSU) KEPADA JAWATANKUASA PAKAIAN SERAGAM UNIVERSITI (JPSU)**

1.0 TUJUAN

Pekeliling Pentadbiran ini dikeluarkan bertujuan untuk memaklumkan kepada pengetahuan semua staf mengenai penjenamaan dan penstrukturan semula terma rujukan Jawatankuasa Penilaian Panel Jahit Pakaian Seragam Universiti (JPPJPSU) kepada Jawatankuasa Pakaian Seragam Universiti (JPSU).

2.0 LATAR BELAKANG

2.1 Pakaian Seragam Staf merupakan salah satu kaedah pengenalan diri kepada orang perseorangan atau organisasi yang ingin berurusan dengan pihak Universiti ini. Selain itu ia juga merupakan salah satu cara bagi meningkatkan imej Universiti melalui pemakaian pakaian seragam oleh staf yang layak menerima pakaian seragam Universiti ketika melaksanakan tugas harian.

2.2 Bagi memastikan pengurusan penyediaan dan pembekalan pakaian seragam staf di Universiti berjalan lancar, Mesyuarat Majlis Eksekutif Bil. 6/2011 telah meluluskan penubuhan Jawatankuasa Penilaian Panel Jahit dan Pakaian Seragam Universiti (JPPJPSU).

2.3 Namun begitu, bagi memantapkan dan meningkatkan kualiti pengurusan penyediaan dan pembekalan pakaian seragam staf di Universiti secara menyeluruh, Mesyuarat Majlis Eksekutif Bil. 11/2015 telah memperakukan penjenamaan dan penstrukturan semula terma rujukan Jawatankuasa Penilaian Panel Jahit Pakaian Seragam Universiti (JPPJPSU) kepada Jawatankuasa Pakaian Seragam Universiti (JPSU). Tujuan penjenamaan semula JPPJPSU kepada JPSU adalah untuk meringkaskan sebutan nama tanpa mengubah fungsi dan kuasa Jawatankuasa.

3.0 JAWATANKUASA PAKAIAN SERAGAM UNIVERSITI (JPSU)

3.1 Jawatankuasa Penilaian Panel Jahit dan Pakaian Seragam Universiti (JPPJPSU) ditukar kepada “**JAWATANKUASA PAKAIAN SERAGAM UNIVERSITI (JPSU)**”.

3.2 Terma Rujukan Jawatankuasa Pakaian Seragam Universiti seperti di **Lampiran A**.

4.0 TARIKH KUAT KUASA

4.1 Pekeliling Pentadbiran ini berkuat kuasa mulai tarikh pekeliling ini dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/bpo

TERMA RUJUKAN JAWATANKUASA PAKAIAN SERAGAM UNIVERSITI

1.0 KEAHLIAN

1.1 Keahlian Jawatankuasa Pakaian Seragam Universiti hendaklah terdiri daripada:

- | | | | |
|------|---|---|-----------|
| i) | Ketua Bahagian Pengurusan Organisasi | - | Pengerusi |
| ii) | Seorang wakil Pejabat Bendahari | - | Ahli |
| iii) | Seorang wakil Pejabat Keselamatan & Kesihatan Pekerjaan | - | Ahli |
| iv) | Seorang wakil Kesatuan Sekerja – KEKUTeM | - | Ahli |
| v) | Seorang wakil Pejabat Penasihat Undang-Undang | - | Ahli |
| vi) | Seorang Pegawai Senireka, Penerbit Universiti | - | Ahli |

1.2 Unit yang mengendalikan urusan penyediaan pakaian seragam Universiti di Bahagian Pengurusan Organisasi, Pejabat Pendaftar hendaklah bertindak sebagai urus setia kepada Jawatankuasa Pakaian Seragam Universiti.

2.0 PELANTIKAN

2.1 Pengerusi dan Ahli Jawatankuasa Pakaian Seragam Universiti adalah dilantik oleh Naib Canselor UTeM.

2.2 Perlantikan ahli jawatankuasa adalah untuk tempoh selagi ianya memegang jawatan di Pusat Tanggungjawab (PTj) berkenaan.

3.0 FUNGSI DAN KUASA JAWATANKUASA

3.1 Jawatankuasa hendaklah bertanggungjawab kepada Pengurusan UTeM untuk pemantauan dan tindakan keputusan ke atas perkara-perkara yang berkaitan pengurusan pakaian seragam.

3.2 Jawatankuasa bertanggungjawab:-

- i) Menyediakan dasar pakaian seragam;
- ii) Menentukan rekabentuk, kualiti kain dan warna serta mutu jahitan pakaian seragam yang dibekalkan;
- iii) Mengemukakan cadangan bagi perlantikan, penyambungan dan penamatan panel jahit dan panel pembekalan pakaian seragam;
- iv) Mengawal dan menyelaraskan pelaksanaannya; dan
- v) Membuat perakuan kepada pihak Pengurusan.

- 3.3 Melaksanakan mesyuarat dan tindakan ke atas aduan/komen staf serta bincangkan isu-isu berhubung dengan pakaian seragam hendaklah diadakan.
- 3.4 Membuat lawatan, pemeriksaan dan penilaian terhadap Panel Jahit dan syarikat/kedai pembekalan pakaian seragam hendaklah dibuat dari semasa ke semasa.
- 3.5 Mewujudkan Jawatankuasa kerja/jawatankuasa kecil untuk membantu JPSU melaksanakan tanggungjawab.
- 3.6 Menjemput mana-mana pihak atau individu/orang perseorangan untuk hadir dalam mesyuarat atau semasa penilaian pemilihan dalam membuat keputusan.
- 3.7 Melaksanakan tindakan yang wajar terhadap Panel Jahit dan pembekal pakaian seragam yang melanggar perjanjian dan peraturan yang ditetapkan.
- 3.8 Menyediakan dokumen sebut harga atau tender bagi tujuan perolehan pakaian seragam.
- 3.9 Menyediakan perjanjian/kontrak Panel Jahit dan pembekalan pakaian seragam.
- 3.10 Menyediakan laporan yang diperlukan kepada Pihak Pengurusan.
- 3.11 Memberikan cadangan kepada Pihak Pengurusan bagi menambah baik pengurusan pakaian seragam.

4.0 MESYUARAT

- 4.1 Pengerusi boleh mewakilkan kepada Ketua Unit Kemudahan Staf, BPO atau mana-mana ahli Jawatankuasa yang dinamakan untuk mempengerusikan mana-mana mesyuarat sekiranya Pengerusi tidak dapat mempengerusikan mesyuarat tersebut.
- 4.2 Pengerusi mempunyai kuasa undi pemutus sekiranya tidak dicapai oleh ahli mesyuarat.
- 4.3 Kuorum Mesyuarat hendaklah terdiri daripada empat (4) orang ahli mesyuarat termasuk Pengerusi.
- 4.4 Jawatankuasa boleh mengundang mana-mana pihak/staf universiti yang difikirkan mempunyai pengalaman dan pengetahuan untuk menasihati jawatankuasa dalam mempertimbangkan sesuatu keputusan, walau bagaimanapun pihak/staf universiti yang dijemput hadir ini tidak mempunyai hak untuk mengundi.